



Broj: 01-02-1517-9/17

Datum, 27.09.2017. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo”, broj 28/09), na Sedmoj sjednici Gradskog vijeća Grada Sarajeva, održanoj 27.09.2017. godine, **gradski vijećnik Samir Fazlić** uputio je **vijećničko pitanje** (uz mogućnost davanja usmenog odgovora) sljedećeg sadržaja.

Kompaniji „Džekos“ je dodjeljen ugovor za izgradnje dolazne i polazne stanice „Trebevičke žičare“. Iz medija saznajemo da je ista kompanija gradila stambene objekte na Dobrinji i da već nekoliko mjeseci traje rješavanje problema oko useljenja ovih objekata. U vezi s tim, potrebno je odgovoriti na pitanje ima li trenutno problema u izgradnji, dolazne i polazne stanice „Trebevičke žičare“, budući da se radi o istom izvođaču, a očekuje se završetak izgradnje do kraja godine.

Gradonačelnik Abdulah Skaka je dao usmeni odgovor sljedećeg sadržaja.

Cijenimo nepotrebnim građane Sarajeva "umarati" pričom o "Trebevičkoj žičari", odnosno o rokovima u kojima se odvija građenje. Grad Sarajevo je dobio pravosnažnu građevinsku dozvolu i sve aktivnosti, uključujući i građenje, odvijaju se u predviđenim vremenskim rokovima. Izvođači radova na izgradnji "Trebevičke žičare", pored spomenutog privrednog društva "Džekos" i društva "Leitner" i "Bosman" su i još nekoliko domaćih izvođača građevinskih radova. Trenutno se radi na izgradnji polazne i dolazne stanice i svih deset stubova "Trebevičke žičare". Radi se o ozbiljnom i dugotrajnom objektu. Zavod za izgradnju Kantona Sarajevo vrši nadzor nad građenjem te se dinamika izvođenja svakodnevno prati i rokovi poštuju. "Do otvaranja Trebevičke žičare dijeli nas još 128 dana". Srećom i lijepo vrijeme pogoduje građenju, te se očekuje da će se, ostvareni zavidni nivo realizacije planirane dinamike građenja i zadržati.

*PREDSJEDAVALJUĆI GRADSKOG VIJEĆA*

*Dr. Igor Gavrić, s.r.*

Dostaviti:

- Gradonačelniku,
- Evidenciji
- a/a